



UPA 2026/169

28/4-2026

Pipaluk Olsen

Naartunermi, erninermi meeravissiarternmilu sulinggifteqartarneq pillugu anaanaasut tamarmik sapaatip akunneranut akunnernik 40-nik erninerminnik, sapaatit akunnerini 19-ini, sionatigut suliffigisimasaq apequtaatinnagu ullormusiaqarnissaasa pisinnaatitaaffigilernissaannut, Inatsisartut inatsisaasa allanngortinnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens NapätôK', Naleraq)

(Siullermeerneqarnera)

Qujanaq Inatsisartunut ilaasortaq Jens NapätôK' siunnersuuternut.

Angajoqqaangorneq inuunermi allannguutit annerpaat ilagaat. Meeqqap inunngorneraniit qaammatit siulliit meeqqat inuunerissaarnissaanut inuttullu ineriartornissaanut toqqammavik pilersinneqartarpoq. Taamaattumik erninermut atasumik sulinggifteqarneq aningaasaqarnermut imaluunniit inatsisilerinermut apequtaaginnanngilaq, apequtaavorli meeqqap pisinnaatitaaffiisa angajoqqaallu periarfissaasa toqqissisimasumik sinaakkuserneqarnissaanut periarfissaqarnersut inuunermi sanngiinnerpaaffimmini ilusilersuisussaaffimminilu.

Meeqqap inuunerani piffissaq siulleq misigissutsinut eqqarsartariaatsikkullu ineriartorneraniittarpoq. Angajoqqaat periarfissinneqaraangamik inoorlaajutiminnik pakkussinissaminnut, attaveqarneq sakkortoog pingortarpoq, meeqqap toqqissisimanissaanut inuuneratalu sinnerani ilinniarsinnaanissaanut tungaviliisarluni. Inuuniarnikkut misigiissutsikkullu piginnaasanik pingortitsisarpoq, meeqqap kingusinnerusukkut ataatsimuussusermi inuiaqatigiinnilu inooqataanissaminni atorsinnaasaattut.

Angajoqqaat erninermut atatillugu sulinggifteqarnissamut pisinnaatitaaffii suliffimmiit sulinggifteqarnissaannarmik isumaqanngilaq, meeqqamulli qanilaarnermik, asanninnermik isumassuinermillu pilersitsissalluni. Akuersinermut tungassuteqarpoq, meeqqamut piffissaq atugaq pisinnaatitaaffiinnaanngitsoq, akisussaaffiusorli siunissamut iluaqutaasussa. Tassunga ilutigalugu erninermut atasumik sulinggifteqarnerit ilaqtariinnut qanorluunniit atugaqartunut atuutinneqassapput. Aalajangersimasumik suliffeqaraanni, namminersortuungaanni, piniartuugaanni, aalisartuugaanni imaluunniit 'angerlarsimaannartuugaanni' apequtaatinnagu.

Demokraatit erninermut atasumik sulinggifteqarnermut malittarisassat pineqartillugit, tamanut assigiimmik periarfissiinissamik siunnersuut taperserpaat.

Tassungalu ilutigalugu uagutsinnut pingaartuuvoq, malittarisassat eqqarsarluarluni ilusilersornissaat. Erninermut atasumik sulinggifteqarneq pisinnaatitaaffiussaaq, ingerlalluartoq, suliffeqarfinnut, sulisussaaleqereersunut, pisariaqanngitsumik nanertuutaanngitsoq.

UPA 2026/169

J.nr 00.00.00/26FM-LABU-00169

Side 1



Taamaattumik silatusaarneruvoq, Naalakkersuisut allannguutissatut siunnersuuteqarnerminni siunnersuutigimmassuk maannakkut aqqissuussat ataatsimoortillugit misissornissaat, tassani qanoq ililluni meeqqap aammalu angajoqqaat pisinnaatitaaffii pitsaanerpaamik qulakkeerneqarsinnaanersut, aammalu qanoq ililluni erninermut atatillugu aqqissuussat naapertuilluarnerusumik attanneqarsinnaanerusumillu aqqissuunneqarsinnaanersut.

Misissuineq taamaattoq siunissami isummernernut patajaatsumik tunngaviliissaaq, meeqqamut, ilaqtariinnut aammalu inuiaqatigiinnut sinaakkutit pitsaanerpaat ataqatigiisillugit. Oqimaaqatigiissaarneruvoq, uagut Demokratiniit tamakkiisumik tapersigarput.

Taamatut oqaaseqaateqarlutik Demokratit Naalakkersuisut allannguutissatut siunnersuutaat taperserpaat siunnersuullu aappasaaneerneqannginnerani Ilaqtariinnermut- aamma Peqqissutsimut ataatsimiitaliami suliareqqinneqarnissaa innersuussutigalugu.